

Na osnovu člana 30. Statuta općine Jajce, člana 49. Poslovnika o radu Vijeća općine Jajce, člana 13. Odluke o priznanjima i nagradama općine Jajce (Službene novine općine Jajce broj: 5/15), Komisija za odlikovanja i druga priznanja općinskog vijeća Jajce, imenovana rješenjem broj: 01-01-6-5944/21 od 10.08.2021. godine, raspisuje

## JAVNI POZIV

### Za dostavljanje prijedloga za dodjelu priznanja i nagrada općine Jajce

#### Član 1.

Objavljuje se javni poziv za dostavljanje prijedloga za odlikovanja i druga priznanja općine Jajce kao izraz zahvalnosti za učinjenu dobrobit općini Jajce.

#### Član 2.

Priznanja i nagrade ne dodjeljuju se izabranim funkcionerima svih nivoa vlasti u Bosni i Hercegovini i vijećnicima Općinskog vijeća Jajce za vrijeme trajanja njihovog mandata, kao ni zaposlenima u općinskim organima uprave.

#### Član 3.

U jednoj kalendarskoj godini, istoj fizičkoj ili pravnoj osobi može se dodijeliti samo jedno priznanje ili nagrada.

#### Član 4.

ODLIKOVANJA SU:

- 1. POČASNI GRAĐANIN OPĆINE JAJCE** - Počasni građanin općine Jajce je priznanje koje se dodjeljuje građanima Bosne i Hercegovine i stranim državljanima. Počasnim građaninom proglašava se građanin Bosne i Hercegovine koji se naročito istaknuo u razvoju i promoviranju Općine, unapređenju međunarodne saradnje i očuvanju mira u zemlji i inozemstvu. Počasnim građaninom može se proglasiti i strani državljanin koji je ostvario naročit doprinos u razvoju i afirmaciji Općine Jajce, te razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima.
- 2. PLAKETA OPĆINE JAJCE** - Plaketa općine Jajce je priznanje koje se dodjeljuje građanima Bosne i Hercegovine, stranim državljanima, privrednim društvima, ustanovama, udruženjima građana i drugim pravnim osobama za doprinos razvoju općine u oblastima privrede, kulture, obrazovanja, nauke, zdravstva i drugim oblastima života i rada.
- 3. ZAHVALNICA OPĆINE JAJCE** - Zahvalnica općine Jajce je priznanje koje se dodjeljuje domaćim fizičkim i pravnim osobama za humanitarne aktivnosti, izgradnju civilnog društva, kao i za uspješnu saradnju, te za doprinos imidžu Općine Jajce, kao humane sredine i mjesta ugodnog življenja.

#### Član 5.

NAGRADE SU:

- 1. NAGRADA 22. FEBRUAR/VELJAČA** - Nagrada 22. februar/veljača je nagrada koja se dodjeljuje redovnim učenicima i studentima sa područja općine Jajce, kao i pojedincima i grupama, koji su ostvarili izuzetne rezultate na očuvanju i

unapređenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije, zalaganje za mir, suživot, demokraciju, postignuti uspjesi na takmičenjima u oblasti nauke, kulture, sporta i sl.).

2. **NAGRADA OPĆINE JAJCE** - Nagrada općine Jajce je nagrada koja se dodjeljuje fizičkim osobama za izuzetne ostvarene rezultate u privredi, poljoprivredi, nauci, kulturi, zdravstvu, socijalnoj zaštiti, zaštiti životne sredine i drugim vidovima stvaralaštva u Općini Jajce.

#### Član 6.

Prijedloge za dodjelu priznanja i nagrada mogu podnijeti vijećnici općinskog vijeća općine Jajce, općinski načelnik općine Jajce, privredna društva, javne ustanove, udruženja građana, građani pojedinci, te druge organizacije i zajednice.

#### Član 7.

Prijedlog se podnosi u pisanoj formi i sadrži:

1. Podatke o podnosiocu prijedloga;
2. Vrstu priznanja ili nagrade za koju se kandidat predlaže;
3. Podatke o kandidatu za dodjelu priznanja ili nagrade (ime i prezime, biografija za fizičke osobe, te naziv i osnovni podaci o pravnoj osobi i njenom djelovanju);
4. Obrazloženje prijedloga uz odgovarajuću popratnu dokumentaciju.

#### Član 8.

**Rok za podnošenje prijedloga je do 31.12.2023. godine.**

#### Član 9.

Javni poziv se objavljuje na lokalnom radiju, web stranici i oglasnoj ploči Općine Jajce, te na web portal Jajce online. Nepotpuni i neblagovremeni prijedlozi se neće uzimati u razmatranje. Podnosilac prijedloga moralno i materijalno odgovara za tačnost podataka navedenih u prijedlogu.

#### Član 10.

Prijedloge uputiti na adresu:

OPĆINA JAJCE  
Općinsko vijeće

Komsija za odlikovanja i druga priznanja,  
sa naznakom „Prijedlog za dodjelu priznanja i nagrada – NE OTVARATI“

Ulica Nikole Šopa bb, 70101 Jajce

*(Prijedlozi se mogu uputiti putem pošte ili predati neposredno na protokol općine Jajce)*

Broj: 01-01-6-12 739/23  
Jajce, 4.12. 2023. godine



PREDSJEDNIK  
KOMISIJE ZA ODLIKOVANJA I DRUGA PRIZNANJA  
Mevzudin Duranović